

# Аҳли китобдан ҳеч нарса сўраманг!



19:30 / 16.11.2021 2156

Аллоҳ таоло Қуръони Каримда шундай марҳамат қилади:

مُكْوَذَرِيَّ بَاتُّلُلَا اُوتُّوْ نِيَذَلَانَّمْ أَقِيرَفْ أَعْيَطَتْ نِإِنْوَنَمَّ آنِيَذَلَاهْيَا آي  
نِيَرَفَأَكْ مُكْنَامِيَإِدْعَبَ

**Эй иймон келтирганлар! Агар китоб берилганлардан бир гуруҳига итоат қилисангиз, иймонингиздан кейин сизни кофир ҳолга қайтарадир. (Оли Имрон сураси, 100-оят).**

Аллоҳ таоло мусулмон умматини барчага йўлбошли, икки дунё саодатига етакловчи илғор уммат қилди. Аллоҳ таоло бу умматни бандаларни бандага бандалик қилишдан ягона Аллоҳнинг Ўзига бандалик қилишга чақириш учун, ботил, бузилган динлар ва тузумларнинг зулмидан Исломнинг адолатига чақириш учун, дунёнинг торлигидан охиратнинг кенглигига чақириш учун юборди. Шундай сифатларга эга бўлган уммат қандай қилиб йўлдан адашган аҳли китобларга эргашиши мумкин?! Агар аҳли китобларга эргашсалар, улкан бахту саодатдан ажраб, иймондан чиқиб, яна кофирикка қайтадилар.

نَمَّ وُلُوسَرْ مُكْيِفَوْهُلَلُتْ مُتَنْأَوْ نُورُفَكَتْ فْيَكَوْ  
مِيَقَتْسُمْ طَارِصَهُدْقَفَهُلَلِابْ مَصَنْعَيْ

**Қандай қилиб куфр келтирасиз?! Ҳолбуки, Аллоҳнинг оятлари сизга тиловат қилиб турилган бўлса ва Унинг Расули ичингизда бўлса! Ким Аллоҳни маҳкам тутса, шубҳасиз, тўғри йўлга ҳидоят қилинибди. (Оли Имрон сураси, 101-оят).**

Аллоҳ таоло мусулмон умматини катта баҳт-саодатга муяссар қилди: ўша пайтларда уларга Аллоҳнинг оятлари тиловат қилиниб, икки дунё баҳти-саодатига эриштирувчи йўлланмалар эшииттириб туриларди. Ораларида Аллоҳнинг Расули Мұхаммад алайҳиссалом юрар, барча керакли нарсаларни баён қилиб берар эдилар. Мұхаммад Мустафо алайҳиссолату вассалом Рафиқи Аълого кўтарилганларидан кейин ҳам Аллоҳнинг муборак оятлари ҳамон тиловат қилиб турилибди. Иншааллоҳ, қиёмат кунигача тиловат қилинажак. Яна бир баҳт шуки, Набий алайҳиссаломнинг суннати мутаҳҳаралари сақланиб қолган, бу суннат у кишининг вазифаларини то қиёматгача адо этади. Шундай улкан саодат ичидаги туриб, куфрға кетиш жуда ҳам улкан гуноҳ, кечириб бўлмас айб ҳисобланади.

«Ким Аллоҳни маҳкам тутса, шубҳасиз, тўғри йўлга ҳидоят қилинибди».

Аллоҳни маҳкам тутган кам бўлмайди. Чунки Аллоҳ доим ҳаёт, ҳозири нозир, бенуқсон Зотдир. Аллоҳни маҳкам тутиш Аллоҳнинг динини маҳкам тутиш билан бўлади. Ана шундагина инсон тўғри йўлни танлаган бўлади. Бошқа ҳеч қандай нарса тўғри йўлни кўрсатиши мумкин эмас. Ақийда масаласида, маънавий йўл тутиш масаласида исломий масдарлардан бошқа томонга бурилиш мутлақо нотўғридир.

Пайғамбаримиз Мұхаммад алайҳиссалом ҳам бу масалада қаттиқ турғанлар.

Имом Аҳмад раҳматуллоҳи алайҳи Абдуллоҳ ибн Собитдан ривоят қиласидилар:

«Умар розияллоҳу анҳу Расулуллоҳнинг ҳузурларига келиб:

- Эй Аллоҳнинг Расули, Бану қурайзалик бир яҳудий оғайним менга Тавротдан ажойиб нарсаларни ёзиб берди, сизга кўрсатайми? - деди.

Шунда Расулуллоҳнинг ранглари ўзгариб кетди. Абдуллоҳ ибн Собит Умарга:

- Расулуллоҳ соллаллоҳу алайҳи васалламнинг юзларини кўряпсанми? - деди. Умар:

- Аллоҳни Робб деб, Исломни дин деб, Мұхаммадни Расул деб рози бўлдим,
- деди. Шунда Набий алайҳиссалом ўзларига келдилар-да:
- Аллоҳга қасамки, агар Мусо алайҳиссалом ичингизда бўлса-ю, мени қўйиб, унга эргашсангиз, залолатга кетган, адашган бўлар эдингиз. Сизлар умматлар ичидан менинг насибамсиз. Мен пайғамбарлар ичидан сизнинг насибангизман, – дедилар».

Ҳофиз Абу Яъло Жобир розияллоҳу анҳудан ривоят қилган ҳадисда Пайғамбар алайҳиссолату вассалом:

«Аҳли китобдан ҳеч нарса сўраманглар. Улар адашган одамлардир, сизларни ҳаргиз ҳидоятга сола олмайдилар. Уларга ишонсангиз, ё ботилни тасдиқ қилган бўласиз, ё ҳақни ёлғонга чиқарган бўласиз. Аллоҳга қасамки, Мусо ва Ийсо тирик бўлганларида, менга эргашишларидан бошқа нарса уларга ҳалол бўлмас эди», – деганлар.

**«Тафсири Ҳилол» китоби асосида тайёрланди**